

专题

← (上接5版)

昨日又之飞重庆,来辞行。值锡予在座,谈及升级事,又之必欲得之,谓一年来如清华福利金等吃亏已多。余大讶异,又之素究程朱陆王之学,何以竟出此言,真不可解。又昨日雪屏言,其助教某自靛花巷饭厅闻知星期六北大开会大骂蒋校长,议决请其辞职。又云锡予向曹日昌言蒋校长已作多年,可以替换了云云。此类流言从何而来,亦不可解。

七月五日

得孟真书。

七月六日



得孟邻师书。

七月七日

得燕华信,知蒋太太已返昆,往才盛巷,晤之,道及蒋师辞北大校长意甚坚。孟真往晤,谈及北大同人欲其辞职,甚伤心,彻夜未眠云。并言就行政府秘书长后舆论甚好,又询余肯否相助,请为婉辞。

七月八日

上孟邻师书,稿如下:“七月二日赐书奉悉。兹事体大,请俟诸方商定后再言辞,否则万一藏晖先生不就,或提出后又别生枝节,则学校将陷于危乱。其一。自全国代表大会之后,枚荪还昆,述及师将出任行政院秘书长。当时以师之牺牲太大,故拟俟返旆时一为进言。嗣闻偕子文先生同时返国,知必已决定,无可挽回。同人所颯颯过虑者,在恐联大改校长制,故由○托蒋太太上第二书,请维持常务委员制,万一不能兼任时,请胡先生代理,盖因复校在即,一切问题非名望昭著者不能对外,此非受业辈所能胜锡予先生语也。书毕,复以达孟真,亦说明此两点,请其注意,其事在国府明令之前。览吾师《大公报》谈话,知仍兼任北大、联大校务。在以往习惯,师赴渝时,出席联大常务委员会均由○代表,近年因○已在常务委员会列席,遂不复派。现时情形不同,必须有人参加始妥。且枚荪已声明将法学院院长让还序



1945年6月30日,傅斯年致信周枚荪、郑天挺:“先与孟邻先生谈,初谈大吵大闹,直可入电影。第二天他来了,说我们用意极善,极可感,请适之担任,在他无问题。孟邻先生此一态度,至可佩也。一切待枚荪、端升二兄来此细商。但适之先生身体一时不能返,他肯就否,亦难决,乞公等考虑之。”

蒋梦麟7月8日致郑天挺信(见上图):“弟决去职系采孟真之建议,盖当时尚未闻有公然之攻击。孟真来行政院,彼一启口,弟便怒骂之,彼亦怒目相报。孟真去后,弟便深感其言之忠直。越日驱车还谒,告以其偏见中有真理,真理中有偏见,决采其意见而感谢之。厥后愈思而愈感其忠诚。”

经,故○复于二十八日上书陈枚荪代理之意。三十日茶话会,当时大多数意见仍在注意事实,所关心者如何复校,非为责难也。数年以来,师以校务已上轨道,遂以命○,纵有责难,亦应○负其责任,惟○奉职无状,时有疏失,致上累吾师,思之甚不安耳。其二。蒋太太返昆,传示口谕,不胜感激。○追随师座十八年来,奖掖提挈,恩情备至。吾师有命,绝不敢违。惟念值兹国运维新,必淹贯中西之士,始足以上佐赞襄,分吾师之劳,若端升、子纓、枚荪、雪屏、文藻、石珍诸君,实属其选,

○远非其比。若国内政治情形之熟悉,则伯君之才,胜○十倍。○近日专心英文,颇拟休假出国。倘能稍广见闻,再效驰驱,或可差胜于今,想吾师必亦矜而许之也。矛尘家累较重,务恳特予设法。其三。”右稿下午六时始毕,以上午魏明经来长谈,下午胡海宇、江泽涵、唐立庵来谈也。一、三两函六时托质如付邮。[按:“○”即“天挺”二字录附时之略写]

七月十一日

七时至才盛巷,晤蒋太太。矛尘告以蒋太太将开茶话,此如传出,似不妥善,但已决定,

无可挽回。余劝其兼请夫人,以夫人为主,可无嫌疑也。蒋太太以为然。又劝其不必谈校长事,亦同意。九时还舍。得孟邻师书,随复如次:“星期日曾草三书上陈,其第二书述近半月情形,嗣以事属过去,置而未发。兹奉八日赐书,仰见恢宏涵盖,不胜钦迟感动,惟恐传言或有过当,谨复作此书。自全国代表大会后,枚荪还昆,述及师将出任行政院秘书长。当时以此事在吾师个人牺牲较大,金拟俟返旆共进一言。嗣闻偕子文先生同时返国,知事实上必难摆脱。三五同人所颯颯过虑者,在

恐联大改校长制,故于蒋太太赴渝由○上第二书,请维持常务委员制,并言万一不能兼任时,可否请胡先生代理,盖因复校在即,一切问题如增加院系、扩充校舍、增加经费等,非輿望昭著者不能对外,绝非○辈所能胜也。书毕,复以达孟真,亦说明此两点,请其注意。孟真进言,盖即以此。其时国府明令尚未发表,同人无不推测,而词意不详,遂滋误会,此○之过,幸不以怪孟真也。继见吾师在《大公报》谈话,知仍可兼任北大校务,足以杜野心者之念,为之稍安。惟以往习惯,吾师赴渝,均命○代表出席联大常务委员会,近年因○已列席会议,遂不复派。现时情形不同,而枚荪又声明将法学院院长让还序经,○复于二十八日上书陈以枚荪代理之意。三十日茶话会,大多数意见仍在注意事实,所关心者如何复校,故大猷有院长、系主任分别负责之议,锡予有请胡先生返国与校长无关之言,实未尝有所责难也。数年以来,师以校务已上轨道,遂以经常事务命之○,纵有可责难,亦均应由○负其责。吾师言辞之函到后,曾以语三五同人,咸以如



汤用彤(锡予)



吴之椿



赵乃持(廉澄)



罗常培(莘田)

(下转7版) →